

Duzciengh nyinhnaeuz bonjfaenh dwg doenghduz cei q hung gwnzbiengz, daekai q raeuh. De baez bungz byawz couh naeuz: “Gwnzbiengz mbouj miz duz lawz hung gvaq gou lo!”

Ngoenz ndeu, duzciengh daeuj daengz sadan henz haij, bungz duz gvihaij ngamq daj ndaw haij ruenz hwnjdaeu j.

Duzciengh doi q de naeuz: “Gvihaij iqi q a, mwngz yawjyawj gou vei! Gou dwg doenghduz cei q hung gwnzbiengz, gwnzbiengz cai q mbouj miz duz lawz bei j gou hung lo!”

Gvihaij naeuz: “Yienznaeuz ndang mwngz hung dangqmaz, hoeng mwngz mbouj dwg doenghduz cei q hung gwnzbiengz. Ginghlamz ndaw haij couh bei j mwngz hung.”

Duzciengh dingqnyi le, cix mbouj haeujsim: “Gou rox ndaw raemx mbouj miz duz lawz hung. Hozmaj haemq hung di, hoeng hozmaj mbouj bei j gou ne.”

“Yienghneix ba! Mwngz youq gizneix caj, gou bae heuh ginghamz daeuj, mwngz baez raen couh rox byawz hung byawz iq lo.”

Gvihaij naeuz le, couh ruenz haeuj ndaw haij, youz coh gizgyae gizlaeg bae. Duzciengh youq henz haij caj baenz 7 ngoenz, cij raen gvihaij ma.

Duzciengh muengz cam: “Ginghamz daeuj luba? Gou baenzlawz mbouj raen de ne?”

Gvihaij naeuz: “Ginghamz daeuj lo, hoeng de mbouj ndaej dep haenzhaij, de hung lai lo, baez daengz gizfeuz couh deng goed lo.”

“Gou youq ndaw raemx mbouj



Bei j Hung Iq

□ Lij Yinswng h / 吕润生

rox diemheiq, bae mbouj ndaej gizlaeg ndaw haij, baenzlawz guh ne?”

“Gaej simgip! Gou miz aen banh fap ndei ndeu. Mwngz yawj gyoengq roeghaij gwnz mbwn mbin neix, yaep he gou hawj gij roeghaij doek longz gwnz ndang mwngz caez, gedgeq gwnz ndang mwngz miz geij lai duz roeghaij. Yienzhaeuh hawj ginghamz daj ndaw raemx fouz okdaeuj, cai q yawjyawj geij lai duz roeghaij cij ndaej longz baihlaeng de caez. Duz roeghaij gwnz ndang byawz lai, byawz couh hung lai lo.”

Duzciengh ngaekgyaeuj naeuz: “Aen banh fap neix ndei raixcaix!”

Gvihaij baez roengzlingh, gij roeghaij couh foenxfoenx doek roengzdaeu j, mbangj duz doek youq gwnz gyaeuj duzciengh, mbangj duz doek youq gwnz baihlaeng duzciengh, mbangj duz doek youq gwnz song diuz heuj duzciengh. Duzciengh iet ndaeng okdaeuj, youh miz mbangj duz doek youq gwnz ndaeng raezrangrang de. Doeklaeng, bak lai duz roeghaij ndwn longz baenz ndang duzciengh.

Duzciengh gagsaenq naeuz:

“Yawjraen luba? Gwnz ndang gou miz duz roeghaij baenzlai ne.”

Gvihaij naeuz: “Baenzneix gou couh hawj ginghamz daj ndaw haij fouz okdaeuj.”

Gvihaij youz dauqma ndaw haij. Mbouj geij nanz, ndaek “rin” hungloet ndeu couh daj gwnz haij gyae menhmenh fouz okdaeuj lo. Gij roeghaij doek youq gwnz ndang duzciengh cungj mbin bae coh ndaek “rin” hungloet cingq swng hwnjdaeu j. Seizneix, gvihaij youh youz ma haenz haij lo.

Gvihaij doq vix doq naeuz: “Mwngz yawj, daj gwnz haij gyae fouz okdaeuj haenx couhdwg baihlaeng ginghamz.”

Yenzlaiz, mbouj dwg ndaek rin, dwg baihlaeng ginghamz. Gij roeghaij gaxgonq doek ndwn baenz ndang

duzciengh, seizneix cungj doek youq gwnz baihlaeng ginghamz, hoeng, cij ndwn bae gai q dieg iqetet ndeu. Gij roeghaij youq gwnz mbwn gvaenxgvax haenx hix foenxfoenx doek roengzdaeu j, geij cien duz roeghaij cij menhmenh ndwn rim baihlaeng ginghamz.

Duzciengh doeksaet yat, muengh duz ginghamz gizgyae, boep roengz ndaeng raezrangrang, najmong naeuz: “Haeux bauz biufefe, haeux fag dauq gaeuz gyaeuj. Doenghbaez gou baenzneix dasang, caen mbouj wnggai, yienzlaiz gwnzbiengz lij miz hauj lai gij saeh gij doenghduz gou caengz raen gvaq rox gvaq!”

Gvihaij nai q de naeuz: “Duzciengh, mbouj youqgaenj ne! Ngoenzlaeng mwngz gai j ndei couh baenz lo!”

Fwen Gingq Laeuj Bouxcuengh

□ Liengz Sauvuj swz Nungz Lijswng h giz

Bouxcuengh gingq laeuj cix eu fwen, Beijfwen dek swenz ndei ndoet laeuj; Bouxhek yied lai sim yied raeuj, Lumj rumzc in daeuj gvaq byai bo.

Bouxhek daeuj daengz bakdou ranz, Sam cenj laeuj van gingq beixnuengx; Laeujhaeux homngauq hai bak ciengq,

Cingzngaih Bouxcuengh bungj youq fwngz.

Beijfwen ok bak mbouj ndaej sou, Ndaw cenj miz laeuj mbouj ndaej ce; Laeuj rim gingq hek gou sien ndez(ndoet), Saek nyit saek nye hix mbouj roh.

(Cinz Siengzcouh hoiz)



*Bingzgoj Yen Geiz Daih' it Beizyinbanh Goeng' ik Son
Sawcuengh Bouhfaenh Yozyenz hab' ingj.*

Dwngz Dwngz ingj

Gou sou hwnj song ga, ndwn youq gwnz saeceijrin, nyinhnaeuz yienghneix couh ancienz lo. Caeklai q Ah Gunh rag diuz nyecuk youq baihlaeng, duzngwz haenx lumjnaeuz hix miz di lau “faglem” Lij Bu, cij ca song sam cik yienghneix couh ndaej haeb Ah Gunh lo. Yaep he Ah Gunh song din baez sou, diuq hwnj daizcaeq mohrin, bin hwnj mohgungj. Ah Veij bei j Ah Gunh vai q geij yamq diuq hwnj mohgungj. Duzngwz haenx menh roengzdaeu j, nod daengz dieghoengq naj moh, ngiengxgyaeuj hwnjdaeu j, biq ok linxgae q hoengzmaeq, caemhcai q lij fat ok sing “cihchih”.

Ah Gunh、Ah Veij、Ah Giuh caeuj Ah Cang 4 boux vunz doxcomz youq gwnz mohgungj, mbeihung lo, cimyawj duzngwz hung, sing hung swenj:

•Sawcuenhvaez Lwngnyez•

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

“Moeb dai de! Moeb dai de!”

Gou bouxdog gyaxgedged ndwn youq saeceijrin baihgvas dieghoengq naj moh, gizneix mbouj bei j mohgungj sang, caemhcai q liz duzngwz haenx youh gyawj, lau ndaej gou daengx ndang unqniekniek, sing he hix cungj mbouj gamj ok.

“Moeb dai de! Moeb dai de!”

Gyoengqde youh hemq youh diuq, Ah Gunh lij vad “faglem”, vad

ndaej yiengi “huhu”.

Aiq dwg vunz lai, duzngwz hung deng hwk lo, de gungjgoz aenndang, youq dieghoengq naj moh nod gvaengx he le, baez cienq gyaeuj, gingqyienz nod coh saeceijrin gou youq baihneix, aen sim gou fwt lumj deng riuj haeujdaeu j nei, giujdin hix saenzgywgywg mbouj dingz, ca di ndwn mbouj onj.

“Ah Byauh, de bae haeb mwngz

lo!” Ah Cang hemq hwnjdaeu j.

“Haeujsim!”

“Ndw daengz gwnz gyaeuj saeceijrin bae……”

Gij sing hemq gyoengqde dungxliengz youh dwglau, hoeng gou gaenq faen mbouj ok dauqdaej dwg gij sing byawz lo, caenh roxnyinh ndaw rwz yiengjhumhum, naengbak mwnh-dwddwd, song ga youh nanq youh unq, aenndang bibi buengqbuengq, gaej naeuz yo ga bin hwnj gwnz gyaeuj saeceijrin bae lo, lienz baihlaeng saeceijrin bingzbwd hix ndwn mbouj ndaej maenh lo.

Duzngwz hung menhmenh gungj ndang raezrang hwnjdaeu j, loq ngiengxgyaeuj, youq gwnz rinbanj nod, cik he cik he nod gyawj gou baihneix……

(caengz sat)